



OMNE PHILOSOPHICVM EST ET ΣΕΒΕΣ.

Qualis in Aegypto, septena per ostia Nilus,
Non varias vario flumine mittit aquas;
Vt neque diversis contendas fontibus ortas,
Quamquam diverso videris ire modo:
Nec tamen ex vno sic ortas fonte putaris,
Viribus vt careant illa vel illa suis:
Talis ab æterna veniens sapientia mente,
Per varias homines ducit ad astra vias.
Vt tua, Nile pater, diverso flumina cursu
Oceani repetunt, vnde fuere; sinus.
Scilicet hic finis, concessaq; meta laborum;
Hic pius, humanis artibus, vsus erit.
Nonne vides, Dorides celeberrima turba, sorores,
Vt referat patrem quælibet ore suum?
Nympha refert patrē, referūt pia numina, numen;
Cur ego non Musas numina magna putem?
Ipse suas docuit quas magnus Iuppiter artes,
Cur ego non veras suspicer esse deas?
At quas non docuit, quæ profunt, Iuppiter artes?
I nunc, & falsum crede, quod ille docet.
Vna tamen reliquas divina scientia vincit,
Effigiem patris dixeris esse sui.
A patre iura tenet, dat iura sororibus ipsa,
Sola boni novit semina, sola mali.
Et quisquam præcepta, tuis contraria dictis,
Aut amet, aut odio digna putare neget?
En ego confiteor, te solam diva tenebo,
Tu mihi propositi norma futura mei.
Quæ tibi non placeāt, poterūt mihi nulla placere,
Quæ tua sunt, quoniam sunt tua, vera puto.

SVBLATO INANI TOLLITVR MOTVS.

ERgone permistum dubitabis rebus inane,
Quod mendax vllum sensus inesse neget?
Ille nec humano conclusam corpore mentem,
Nec magnum cæli sentit in arce Deum.
Stare ratem clamat, pulsamq; i cedere terram,
Errat, & ex vno corpora bina facit.
Nempè vides motum, ratio latet hedita motus,
Prima docet sensus, cætera mentis erunt.
Illa quidem vacuos penetrans secreta recessus,
Omnibus admistum rebus inane videt.
Ni foret, excluso torperent omnia motu,
Officium facerent aura, nec vnde suum.
Ipse, decus cæli, qui terras lumine lustrat,
Dimidio tantum notus in orbe foret.
Et soror exigeret cæcos in gloria menses,
Nec faceret noctes illa, nec ille dies.
Mars pater æterno veneris langueret amore,
Si premeret fixos orbis vtrumq; suos.
Ipsa parens etiam, quæ nunc parit omnia, tellus,
In rebus vacuum ni foret, orba foret.
Heu! frustra peteret sæcundos ætheris imbres,
Frustra conciperet non parienda sibi.
Sed neq; conciperet, neq; possent æthere mitti,
Si fieret vacuo nullus in orbe locus.
Sponte sua, credo, fugiunt, & nescia pelli
Corporibus cedunt, corpora prima, novis.
Finge tamen pelli: quo tandem pulsa recedent?
Cum nequeant vno plura coire loco.
Elige quid fingas, aut mistum rebus inane,
Aut illas motu posse carere puta.